



04699

信州全



趙之謙題



光緒戊寅四月  
碧聲吟館開佳



敘

道光辛丑歲嘉定程序伯先生來杭廬居小



秋

詩老晨夕唱和兩公詩名擅一時余年十九間有所作呈  
正先生頗不以淺陋屏之門外卷中首二作兩先生賜教  
也戊申己酉後家園宴集車馬透遲莫不紀之詩歌三十  
年來稿多遺失間存一二首行篋中蠹餘也丙辰歲余入  
都供職暇輒與二三友人市肆行吟僧寮情話靡不有詩  
然亦斷簡殘編十不存一今年奉差鄱陽公餘多暇共檢  
得古今體詩二百餘首彙鈔成帙并以詩餘附後止於己  
偶酬錄序

一

已歲出都日也偶一繙閱覺滿紙琳琅半歌薤露寸心金  
石永契苔岑卷中余詩有云同傾綠酒澆幽憤那禁黃蠹  
感舊時持斯二語可概全編

光緒三年夏四月許善長序

碧聲吟館倡酬錄

同社姓氏 以倡酬先後爲次

程庭鷺字序伯江蘇太倉州嘉定縣貢生

汪 鉞字劒秋浙江杭州府錢塘縣貢生

康曾定字子靖山西太原府興縣拔貢河南知縣

許延毅字子雙浙江杭州府仁和縣廩貢廣東同知

許善寶字楚珍浙江湖州府德清縣附生

江 鏞字夢花浙江杭州府錢塘縣廩生

鄭邦立字振岡浙江衢州府西安縣進士甯波教授

倡酬錄

胡 琮字季權浙江杭州府仁和縣廩貢試用訓導

陶守廉字肖農浙江紹興府會稽縣舉人江蘇知縣

方宗城字子維浙江杭州府拔貢仁和縣人

吳元鏡字夢笙浙江杭州府仁和縣附生

俞奎垣字襲芸直隸順天府大興縣進士翰林御史

孫 埈字松岑安徽徽州府休甯縣監生兵馬指揮

魏謙升字滋伯浙江杭州府錢塘縣廩貢候選教諭

趙慶熾字笛樓浙江杭州府錢塘縣布衣

陸和鈞字菊笙浙江紹興府蕭山縣舉人

陳學繩字視傳浙江杭州府錢塘縣附生

龍逢辰字甲生安徽安慶府望江縣舉人光祿署正

俞士彥字德甫浙江杭州府仁和縣監生兵部主事

程世樞字洛翹浙江杭州府錢塘縣舉人東陽教諭

曹應昇字子賢江蘇鎮江府金壇縣舉人 知縣

俞 焜字東生直隸順天府大興縣舉人候選知縣

熊有筠字東美江西廣信府鉛山縣監生刑部主事

許蘭身字芷卿浙江杭州府錢塘縣附生

張德容字松坪浙江衢州府西安縣進士湖南知府

倡酬錄

二

汪綬之字芎卿浙江杭州府錢塘縣舉人江西知縣

許善長字季仁浙江杭州府仁和縣優貢江西知府

碧聲吟館倡酬錄

仁和許善長



季仁大兄賦長句贈劔秋詩老并及鄙人因次韻奉  
會兼請芷淥子雙兩先生同正

嘉定

程庭鷺 序伯

落落安能事一室千里論交有疏密  
憐蛇惟蛇情自孚扣鼓以魚聲  
斯出吾儕衰情百無用聊借推敲遣  
永日君家舊業媿青箱麟角還傳茂  
先筆小同承學丹鉛勤大阮揮毫風  
雨疾乃愛野鴛置家雞癖嗜差同因  
所曠新篇投贈倡酬錄

勝瓊瑤雋旨紛披敢甲乙詩翁比舍  
鍾律嚴銅椀龍吟工究詰逢君極口  
詫英妙擊賞不待其辭畢秀識階前  
謝樹森趣諳座上嵇琴逸世爭高價  
屬翹材每爲虛聲誚儒術相期努力  
琢珪璋莫羨棲蹤賦衡泌發揮形勝  
資淵雅砥礪丰裁審文質驕驕蓄銳  
始騰蹕一顧待空三萬匹袁粲先知  
仲寶才僧虔猶爲盛名悵

前題同作

錢塘

汪

鈺 劔秋

相逢喜近芝蘭室文字交深往來密  
家聲李揆自清門才調謝莊偏秀出  
如筍迸土待春雷如荷出水淩初日  
方今

海上正干戈幾人壯往思投筆宏羊卜式爭轉輸板屋小  
戎同忿疾漫橫長劍學粗豪且擁殘編托親暱高樓倡和  
獲素心敢說元某與白乙詩句珠圓許遠遊畫情雲上王  
摩詰男兒局促空自憐百年辛苦伸估畢君家大阮雙丁  
儔文彩風流江左逸鷺名士笑比鯽多績學心惟勤蛾術  
相期努力奮風雲豈肯棲遲樂衡泌賭囊久識謝庭賢論  
文好向程門質人生會合亦搏沙翰墨縱橫媿儕匹珍重  
長吟忽慨慷隔江烽火心增怵

久雨示季仁

興縣 康曾定 子靖

倡酬錄

二

韶光最好間陰晴紫蝶黃蜂逐隊行苦雨橫來崇花事春  
愁從此遍江城池塘長水寒無迹簾幙要風勁有聲始信  
爲霖重天下不知時節亦空名

輕寒盡日倚樓臺盼盼濃雲總不開記得沾衣濕紅杏又  
將溽礎計黃梅遲遲芳訊安金勒脈脈閒愁滯酒杯人比  
新鶯更淒絕隔窗遙與坐徘徊

喜聽簷牙噪晚禽斜陽一片下空林花間置酒方期月天  
上奇峰已作陰重濕疎幃侵遠閣能令春士抱秋心芬芳  
到處傷搖落除向華胥夢裏尋

己酉七夕同人宴五三精舍

仁和許延穀子雙

玉露金風昨夜秋，穿鍼人倚小紅樓。  
藏花賭酒閒情得起，草吟詩韻事留結網蜘蛛。  
同乞巧填橋鵲，憤生愁諸君豪飲傾湖海，坐聽雞人報曉籌。

陡覺涼風四座生，小園雅集足怡情。  
無才未敢論詩律，寡飲深慙鬪酒兵。雁陣蕭疏雲暗動，蟲吟斷續月微明。  
人間乞巧年年事，輸與天孫錦織成。

前題

德清許善寶楚珍

星河耿耿麗晴空，如水天街夜色同。  
別院蟲聲聽斷續，隔簾月影望朦朧。  
酒因病怯情難放，詩爲愁多句未工。  
好語

倡酬錄

卷上

諸君須盡醉，人生到處雪泥鴻。

前題

錢塘江鏞夢花

明河欲賦愧無才，孤負詞壇號令來。  
兒女癡情占月露，園林雅集勝蓬萊。  
酒酣不厭傳觴速，詩好奚煩擊鉢催。  
秃筆敢勞君拂拭，淋漓猶認墨花開。

皋亭觀桃兼以脩禊以會於會稽山陰之蘭亭分韻

得會字用九泰全韻

前人

破曉出城闌，扁舟汎清瀨。  
我友共叩須，所思有郭泰。  
四圍



雲腳垂風來少女兌湏臾露朝陽天空豁霧霏勝境指皋亭恍隔千峯外兩岸傲朱扉飛閣環虹帶目極平遠山耳聞水濤汰舟行捷如駛滑澁蛇出蛻一路深竹林雨過浮碧藹繚以屋數間芳草雜蔚蒼更有萬桃花其葉何葳蕤紅紫暈明霞輕盈羞李柰新妝逞媚姿妙手圖難繪種桃比種瓜千畦爛文貝念彼山中人荷鋤如荷役以此充歲租日要且月會怪底武陵源忘卻乾坤大淵明作記時毋乃弄狡獪昔我半山遊年少體亦怵俯視游冶兒棄之如蒿蕪落落故自豪而康無已太風景尙依然觀花意無賴

倡酬錄

四

叔重詩興狂開筵舉酒酌香芹碧澗羹鮮鯽銀絲膾嘉肴紛羅列所食非粗糲飛觴共醉花清聲如鳳翮云昔永和年此日蘭亭會捧劍說金人前裙傳袂繪觴詠集羣賢褰裳而結繪臯亭繼蘭亭狂言亦何害水不辨淄澠山不別峽峴都是詠花才古人亮勿愴我聞言技癢宛抱伯牛癩舟中人若仙詩思極充沛或以絕見奇或以律課最浩歌更清新小詞亦妍婉君謨工近體芝蘭發醜鶴蔡初安道古擅場蕭然絕塵壚戴浦諸家嚴壁壘各自樹旗幟以我廁其間不揣昏且昧年來才已盡膾似藏芻廩辟之水淺

深江河與溝澮辟之國大小齊秦與曹鄴雅俗不同調相  
如雜駟儉妍媸各自知龍鍾見少艾顏頰強索枯沙磔未  
全汰忽聽隔鄰舟嘸嘸鶯聲噉如歌柔柳條傾城迷下蔡  
人面訝相逢客路愁無奈盡作采藥人天台偶傾蓋仙飯  
喫胡麻喬木倚松檜胡爲攪塵網此身如狼狽含笑問桃  
花無言口已欽俯仰天地寬湛恩且汪噉嗟我久疏狂佳  
日苦玩愒選勝懶攜糧名區空憶軟山鐘催我歸有聲含  
晚籟雜以水潺湲激石聽礪磕遙望賣酒家樓閣搖風旆  
采得花一枝餘香尙沾句爲語同舟人無負芳春靄

偶酬錄

五

前題得山字

許延穀

修禊吟朋集全教俗虛刪置身在仙境一笑指春山蜂蝶  
情多鬧鷗鳧意自閑斜陽掛林角無語送人還

前題得陰字

許善寶

乍寒乍暖惜春陰舟泊皋亭樂意深紅浪軟拖三尺水黃  
雲低泛一畦金油花吉兆今宵卜詩酒情懷此日尋願把  
右軍鼠鬚筆琳琅滿紙寫新吟

移館卽事偶成并柬夢花

西安 鄭邦立 振岡

人生逆旅遍天涯三宿浮屠願已賒漫道先生剛下榻何

妨居士又移家

老盡春光掃落英  
謫仙無分住瑤京  
出門也要黃金贈  
珍重枇杷爲餞行

一肩行李一肩書  
三兩行人合隊魚  
容與軒中堪小憩  
數竿恰伴此君居

祠堂地僻任吟哦  
夏屋渠渠古木多  
糧少不供和靖鶴  
草深恰飽右軍鵝

夏簾冬缸感易生  
君家賦別最多情  
近來拋卻生花管  
那得終宵好夢成

倡酬錄

六

鑑止水齋月下觀梅

江鏞

安道詩如傲雪花

謂戴浦仙

竹林佳句鬪春華  
年來我已無清

夢孤負山涯與水涯

勝絕何家大小山  
惜無畫筆擅荆關  
塵心到此都消盡  
梅月清寒一鶴還

開筵列座樂無央  
索笑詩成壓眾芳  
定有美人來月下  
問名可是杜蘭香

沈沈玉漏夜迢迢  
豪興都隨酒氣消  
拚得與花同一醉  
任他鑪裏篆煙銷

一輪皓魄數株梅林下  
娉娉共舉杯笑酹一卮問明月  
今宵豈爲詠花來

迷離燈影暈窗紗  
老幹新枝遍水涯  
怪底梅花逾清絕  
素娥今夜伴芳華

山字肩因覓句斜  
幾生脩得到梅花  
舉杯邀月成三影  
認取孤山處士家

刻燭吟詩夜已昏  
清輝滿戶掩柴門  
明朝試把梅花嗅  
定有前宵宿酒痕

情鍾我輩惜芬芳  
吟到梅花字亦香  
不數名園桃李集  
春倡酬錄

七

來醉月也飛觴

洗將愁思萬千重  
梅月知心號素封  
轉眼皋亭桃又放  
扁舟一醉快相逢

擬杜子美題王宰畫山水圖歌同季仁作

仁和胡琮季權

蒼蒼巖上樹磊磊澗中石  
年來塵事苦牽迫  
快靚丹青傳勝蹟  
廬山瀑布瀟湘波  
縮地成圖懸四壁  
道子畫法推江東  
精思默會神交通  
島嶼盤鬱騰蛟龍  
煙雲變滅歸寸管  
溪壑蔚蔚生長風  
興酣落筆世莫比  
尺幅之中寓千里  
蕭

齋展幃添壯觀彷彿尋山還釣水

庚戌秋南歸至汶上訪歌者瑞荷已字江南某氏作

此調季仁

會稽陶守廉 肖農

金屋藏嬌是阿誰前情一憶一相思彩雲飛去曇花散腸  
斷尋春杜牧之

前題和季仁原韻

前人

空將墮溷惜飛英猶憶當筵按曲聲絮語不堪思往事萍  
蹤無分晤今生藏嬌未必皆金屋聚錯應教鑄鐵城春夢  
一場醒太早五更殘月照淒清

倡酬錄

八

前題同作

杭州方宗城 子維

旗亭畫壁冠羣英河滿尊前唱一聲二月鶯花芳夢杳三  
秋雁字綺愁生嬌姿已自藏金屋新恨還教起石城但願  
有情成眷屬出山泉比在山清

和旅壁佩珊筍香兩女史韻

前人

賤裁蜀錦薛濤詩玉樹珊瑚寄遠思讀罷美人香草句挑  
燈心事問蛾兒

貂裘輕覆五銖衣姑射仙人冰雪肌扶上雕鞍身似燕熏  
爐籠袖袂多時

附原作

雪滿雕鞍沙滿衣北風吹粟上冰肌侍兒莫訝寒威峭  
還勝空庭倚竹時

管香女史題中山店壁

十手爭鈔畫壁詩維摩天女殢人思若教捧視勞紅袖  
悔不深閨作侍兒

佩珊女史和作

嘲季仁子維

陶守廉

煙花到處惹相思題徧旗亭壁上詩知否秋風妝閣裏金  
錢夜夜卜歸期

卜塘道中作

前人

倡酬錄

九

策馬小山行雲開雨乍晴境幽人跡少地險客心驚積水  
泥成沈磨輪石有聲黃昏茅店宿欹枕夢難成

留別季仁

仁和 吳元鏡 夢笙

瘦盡藤枝雪葉凋主人丁卯認名橋欲歸燕子經春約新  
種梅花隔歲招別後芳樽懷滿座去時微雨送輕橈鯉魚  
倘得傳書到莫誤門前日夜潮

小阮才名冠一時鴻文明錦感邛遲如君福慧雙脩少與

我琴尊百事宜家有元方終讓弟

謂楚珍

座無尼父忝爲師

崢嶸頭角郎君俊青出於藍定可知

嫩日晴催穀雨前皋亭曾記看花天江邊桃葉歌芳楫簾  
外楊枝惱綺筵從此酒場排間日好留詩約待明年征衫  
顏色休輕浣珍重吾鄉麴竈煙

文陣縱橫酒壘開社中裘屨不凡才我無鄒衍談天術誰  
信王郎斫地哀舉世悠悠如築舍諸公衮衮待登臺姓名  
更憶陳驚座說史談經氣似雷

謂硯傳

人與寒江共拍浮他鄉帆影有高樓苦將文字邀青眼恐  
爲功名誤黑頭廡下梁鴻猶處士病中吳質爲長愁何當  
西向長安笑細馬春衫作壯遊

### 倡酬錄

皋亭觀桃

前人

柳枝已綠桃花紅李花瑣白參其中舟行十里五里水引  
以盪漾游絲風斯時嫩日照篷背薄雲如翳如紗籠春衫  
醞藉各年少論情不讓江波濃江波濃送吾船去兩岸桃  
花繫船住吾船欲住吾心游譜入相思寄芳樹遠山如髻  
雙鬢青一箇鏡色波光平春人衫子褪紅色置之香國當  
傾城喜有雜樹襯濃綠落英藉草圍芳茵平鋪坐席喚行  
酒此樂不減桃源人與闌側帽看煙景風卷繁香入歸艇  
聽歌縱酒吾亦休笑踏鄰舟喚新茗

開門七事

大興俞奎垣襲芸

敢將鍊石傲樵夫入爨焦桐計本愚任爾百圍誇大木那  
堪一束詠生芻人非荀勗勞奚郵軍有樂枝用自殊五月  
披裘慚負荷錯薪漫欲刈其萑

柴

敢將凡骨夢黃梁稊米偏容竊太倉戰士伊誰聞宿飽編  
民賴爾起餘僵半生負腹空彈鉞歷劫從頭問乞漿安得  
書成天雨粟來牟貽我歲豐穰

米

敢將斷帶笑英豪暗室光明念乃牢幻相儘教九鳳蠟祠  
根何事蕤龍膏計窮始信趨炎拙閱久方知守黑高聞道

倡酬錄

七

疑爲多火井可能燭照及秋毫

油

敢將遭際問和羹世味差池太不平黑白要難淪定質酸  
鹹那得劑羣情謀臣賁海工求益詞客登山妙寫生食淡  
自來長不死夙沙何苦費經營

鹽

敢將芍藥鬪珍奇覆瓿從教識者嗤子細也曾勞蛾術辛  
勤未必讓蜂脾錦坊妙製能生色藥局新銜或誤醫寄語  
漫嫌糟粕惡周官百二物維持

醬

敢將斗膽飲三升酸醎難調我獨勝止渴頓看消熱惱軟  
堅先合去峻嶒已拚肩脅從鄰乞無奈眉攢取世憎畢竟



箇中風味好鳳林鳴醉至今稱

醋

敢將水厄怨王濛世事多緣尙口窮七盃卽今成積癖頭  
綱何處覓新烘登門愧乏黃秦譽航海還資蔡鄭功森伯  
君家舊相識可能緩急取諸官

茶

收語謂松岑

前題和作

休甯孫

靖松岑

自歎年來槁木如荷薪空說志能舒十分骨瘦難爲爾一  
樣心焦不讓渠解鼓有方求道淺執柯無力入山虛倘然  
留得青青在或者春風爲我噓

柴

乞食長安屢費詩問誰青眼解囊時傷心豈爲慈親負赤  
倡酬錄

三

手偏教巧婦炊已分雙弓難自給敢將五斗慰羣飢足民  
空抱三年願慚愧神倉屬我司

米

任倉事三載

一籌青上讀書燈孤負光輝對我騰同爾心焦原不減輸  
他手熟已無能作雲徒切頻年望滅火應難此夜仍回首  
故園軍十萬可曾香煖氣如蒸

油

厭聞細碎避難開况味偏如食淡來漫說浮名能匿海可  
留餘俸獨銜杯有兒好待調羹手無女休爭詠絮才寄語  
掌官淮水上看雲早慰我徘徊

鹽

時三弟需次兩淮

未成醢醢未遭磨我愧如匏繫若何漫擬文章工爛熳最

難家室自調和苦憐筍折凌雲阻甘附葵烹向日多話到  
吾鄉風味好有誰能寄一紅螺醬

也會冰署領頭銜兩載虛司味豈諳莫道衰殘嫌橘濺慣  
嘗酸楚傲梅含推敲苦向壺中乞醞釀心從甕內參惆悵  
杏花香裏過樹猶如此我何堪醋

我亦京師舊販家苦難妙手活生涯毀來應早身除累嗜  
到惟防瘦益加破睡恨渠添懊惱無山枉爾茁萌芽羨君  
饒得清時味槐院頻前聽暮鴉茶 謂襲芸太史

前題和松岑韻

錢塘魏謙升滋伯

倡酬錄

十三

昂值年來竟桂如采薪憂未寸眉舒徙從曲突心焦我瘦  
到飛龍骨類渠數尺量炊家計宥一肩搬運道心虛龐居士偈

運水及搬柴  
見傳燈錄

北門米與西門水還借南門煖氣噓見南宋雜事詩

詠到淵明乞食詩難忘昏暮叩門時夏耘滴汗辛勤穫晨  
數如珠鄭重炊百歲光陰難辟穀千般人事爲啼飢倉儲  
惟願三冬足玉粒金穰祝有司米

分光機杼一篝燈那得青藜杖火騰竊比水雲天作雨恐  
污寒具客無能禾芑黍茂千畦秀繼晷焚膏五夜仍小滿

出車堪計日 臺花黃似錦雲蒸諺云小滿出三車 纜車水車油車也 油

金銀氣作蜃樓臺 都自瀛壖斥鹵來 巉利昔原工運莢財

源今漸涸膠杯置杯焉則膠水淺而舟大也見莊子 徒添沙漉波熬句孰是

官山府海才兵不緝私臬愈橫逍遙河上但徘徊鹽

罨黃豆麥付礪磨 一日無如柳訓何唐柳玭家訓曰孝慈友悌乃食之醴醬可

無哉 唐世胡盧知貴重 古方芍藥在調和 炎蒸烈日三庚

造羅列長筵百瓊多 莫笑元言徒覆瓿 任他胞醞詠紅螺

醬

人生不見崔宏度 能乞諸鄰古所諳 釀到桃花和淚嚙 呷

### 倡酬錄

十四

來梅子等酸含星稠 妾命閨中謹日牒 神奇海上談閩中萬方

橋與工日時神書醋字蓋廿一日酉時也 留得寒儒風氣在 酒經味變飲何堪

醋

旗槍生計在山家 采遍雲峯又水涯 餅喜開緘收百滿 利

因航海倍三加 琵琶喚婦彈秋荻 鸚鵡呼人淪露芽 可是

詩清為多飲 莫嘲水厄與塗鴉茶

### 前題

錢槔 趙慶熾 留樓

九月碓催木葉殘 一肩秋老荷枝乾 桐灰爨下琴誰惜 柯

爛山頭奔未完 貴胄雲蒸蟠蠟易窮檐 霜冷蕤茅難何如

日夕過寒食免得廚空竈婦歎

柴

白粲黃粢積甕饒問誰舂杵賃舉橋四方有弟難餬口五  
斗何人患折腰粟請絳帷謀益庾沙量玉帳靖鳴刁須知  
粒粒盤飧美辛苦田家藝黍苗

米

風漾明湖瀉綠漪郊原回首菜花披沾來寒具痕難滅吟

到山腔句可嗤社饗三升疑琥珀

古詩貧頭春酒浸如油

禪龕一椀

供琉璃拖盤快嚼蓑衣脆

拖油盤見南宋雜事詩杭市酥油餅一名蓑衣餅

妙手

新煎擅餅師

油

貨殖東南賁海先如雲大賈侈腰纏恩同賜酒君王寵

北用

倡酬錄

十五

史崔浩事政頌調羹宰相賢淺醉停蕉歌阿鵲閒情裏筠聘銜

蟬笑他庭院堆何用空灑紛紛雪滿天

鹽

漫憶黃雲麥隴翻如節今忽見盈盆豔輸色染春衫紫  
臘賴功成夏日暄製別榆梅分貯甕市非卉木也呼園瓜壺

葵菽均堪配祇恐名登食譜繁

醬

阮囊羞剩一錢難買笑紅銅子細看

紅銅錢買醋杭諺語也

飲雜糖

霜能療渴病傳肝鬲勉加餐

醋能縮食故能進食見本草

亭懷南宋空

留庫職隸宗周薄有官莫怪濃情偏惹妬石家風味本來

酸醋

東風一夜破旗槍紫筍青芽夜焙香江上檀槽商婦怨山  
中竹籠女兒忙客來喜聽瓶笙沸酒渴思擎玉盃涼卻愧  
詩腸枯太甚拈毫常畏啜頭綱茶

前題

蕭山陸和鈞菊笙

真箇青山留得無斧柯不爛任樵蘇烹茶夜雨和煙濕煖  
酒秋風帶葉枯勞未息肩嗟命蹇瘦惟臍骨笑詩癯閉門  
臨水知誰叩手把長鑱問故吾柴

年來甑底每生塵欲乞無書况指困儘許青精餐粒粒誰  
憐紅朽積陳陳珠如可化何嫌幻沙果能量豈害貧料敵

倡酬錄

六

幾經山谷聚眼前勝筭孰稱神米

滿注蘭膏潤一筭餘光底用壁間偷幾經在髮甘爲澤只  
恐煎心但解愁仗得隙明由醞釀怪將百沸付泡瀝憑教  
夜讀尋書味何必殷勤秉燭遊油

巧把滄溟著意蒸梅羹調劑爾偏能聞韶味並忘三月食  
粟人應計五升但較官私分利弊誰將鹹淡辨淄澠水晶  
倘得他年賜敷對何妨夜漏增鹽

曾將食譜訂吾師得失先參下箸時遠責蒞方成口實窮  
搜蟻穴爲膏脂不遺糟粕精華出別擅酸鹹朽腐奇我欲

草元誰問字憑他覆瓿不須辭

醬

不關梅子亦留酸風味儒冠久自安乞少微生知甕破浸  
無孟德笑瓶乾忽令濡首成詩苦別有居心療妬難我羨  
醢雞忘歲月壺中小隱甚閒寬

醋

何須斗酒佐雙柑七椀風生興亦酣明助眼光耽久讀甘  
留舌本潤清談雨前早共蠶桑采日用偏同魚米參守  
一經君莫笑儂家指點在茗南

茶

前題

仁和 許善長 元甫

倡酬錄

七

敢誇翹楚不羈才也受人間束縛來瘦得支離全出骨生  
成嚇強本非材歷殘歲月歸枯劫炊許光陰證死灰一任  
徙薪評曲直爛柯山下有人哀

柴

何能春甕自生香苦向河源問稻梁珠惜星星勞指數沙  
聽屑屑唱籌量乞來舉筆羞摹帖盼到開花祝滿囊我料  
贈因非易事更誰慧眼識周郎

米

分與書燈自課勤芸窗繼晷藉膏肓披來菜圃二三里磨  
盡松烟五百斤肆虐甕中迷毒霧騰空天上作奇雲更看  
夜半禪心寂一盃琉璃映水紋

油

搆白熬波琢句新水晶叨賜爛如銀長鳴虞坂悲神傑遠

舉周原出輔臣箬裏偶尋三徑路絮飛爭詠一庭春莫將  
府海輕功用歲課還資十萬緡

鹽

探元何必驚虛名話到酸鹹自品評餘味尙堪沾菽乳此  
材本許附梅羹傳甘醲郁誰能識依樣胡盧笑未成分我  
一杯鄉味好紅螺端不讓春飭

醬

莫將餘惠市鄰家三斗嘗來臭味差幾誤聲名低麴蘖翻  
驚顏色豔桃花含酸氣笑頭巾重療妬羹難手段誇安得  
封姨常庇護不教阿措怨天涯

醋

願皈佛氏號雞蘇活火新烹築地鑪戲列旗槍排戰陣好  
倡酬錄

十六

從魚鱗辨功夫丹楓夜落商人淚黃竹秋分太守符漫說  
詩情清若此寒宵客到當提壺

茶

懷季仁都下

錢塘陳學繩 硯傳

同上元龍百尺樓當年豪氣未全收英鋒華嶺千重峙下  
筆崑源九派流烏跡字奇蒼鬼泣龍宮珠秘賈胡愁書生  
亦有封侯願准備吳鉤作壯遊

而今寥落憶江村百感蒼涼對酒樽授老漁竿羞國士舞  
殘劍器泣公孫懶裁白紵新詩卷難浣青衫夙酒痕我復  
天涯作羈旅殘杯冷炙哭朱門

與君同拙是謀生無那飄零異地行  
暢好溪山空涸跡有如江水不歸耕  
障塵扇引南風下投好竿繁東郭聲  
讀罷一篇鸚鵡賦荊州空說解才名

懶將巧笑逐歡場健骨難工墜馬妝  
識字王通羞乞食呼饑臣朔尙爲郎  
劍湮未掩豐城氣蘭老猶存空谷香  
若有京華游侶問爲言無恙舊縹緲

袁江雜感和許從如

善登

羊城春感韻郵示季仁

前人

東吳城郭勢崔嵬北拒西連大業恢  
自有白衣搖艫去從倡酬錄

十九

教赤炬渡江來三分下策爭荆楚  
千古寒煙鎖將臺遺恨卽今流不盡  
晴濤日夜吼江雷

呂蒙城爲爭荊州而築荊州若爲蜀有天下未可知也

爲耽佳勝暫登臨觸目江皋滿綠陰  
草色已非今日鬢柳絲遙縮故園心  
幾經冷暖傷寥落悟徹滄桑變古今  
獨自沈吟獨惆悵淡煙疏雨恨難禁

聞說方池擊鶴鵝天高月黑楚聲多  
三千外宅朝酣酒五百空瞿夜渡河  
幸有孤軍揮赤幟至今恩詔寫紅羅  
試看莽莽平原裏入望蒼茫起浩歌

河橋流覽劇悲涼曾記笙歌沸玉塘  
萬里送迎留宦迹一



年強半爲花忙山精晝隱金銀窟海燕朝棲玳瑁梁不見  
城南刀筆吏明珠十斛載歸裝

河源滾滾自天來鎖鑰東南節鉞開空衍魚鱗成蜃市從  
無駿骨上燕臺英雄愁絕桃花水幕府惟儲竹箭材至竟  
海枯金穴散大官惆悵奏書迴

沿江十里樂游原閱盡興亡鳥語喧白鏞卽今沈戰壘黃  
沙終古堊吟魂栽花有客思高隱結草何人解報恩世事  
枯碁成變局相看無藉獻芻言

更欲題詩問彼蒼黃中何事大猖狂黠軍上將爭籠鶴奉  
倡酬錄

節孤臣困牧羊籌海有書思少保收京無策繼汾陽東風  
著意催花柳月滿南都夜正涼

一從作客幾經秋如此生涯總未優愁思慣同新草長壯  
心空負大江流人非楊柳常青眼我似蘆花易白頭冷炙  
殘杯禁受得吳頭楚尾許句留

辜負韶光滿目新臨風時復拭輕塵未堪西望因無那羞  
煞南枝早占春豈必文心皆勝我何妨豪氣不如人子規  
不任催歸去道有安巢托此身

春風一夜飛紅雨楊柳枝頭啼杜宇一聲聲喚可憐人落花流水渾無主女兒家住小瀛洲椎髻荆釵未上頭只愛新眉描翠黛何曾垂手上紅樓紅樓深鎖青雲裏黃姑遠隔銀河水恨煞高陽舊酒徒無端強作氤氳使一斛明珠封錦囊鴟夷一棹下錢塘矜侯舊是繁華族更羨秋風桂子香香濃春暖芙蓉褥郎是情深儂命薄只望香蘭入夢來那知兩度招青鶴鶴夢匆匆作斷雲阿嬌從此鎖長門女貞樹上巢姑惡吹盡東風總不春春來愁對空閨柳紅啼綠怨君知否不爲宮中愛細鬢單衣寬盡丁香釵本是

倡酬錄

三

生成解語花爲經挫折怨年華天涯欲避胭脂虎塵世難逢古押衙屠休王子人中傑爲儂驚起維摩疾報道金牌天上來倉皇驚落天魔魄衙官簇簇紫衣新奉詔傳呼掌上身真箇奇謀能換日從教火宅走朝雲朝雲遁迹空王宅一點精誠通帝釋九死難酬義士恩一枝願乞文昌筆九月涼風透碧空果然袍染御香濃從今一縷閒愁繫半爲癡郎半爲儂願郎心似相思鳥願儂身似宜男草博得金萱笑口開鴛鴦江上同偕老吁嗟乎修到紅顏只合愁青天碧海兩悠悠淚珠一似源頭水西向平湖日夜流

小雪節遇雪退直後友人招飲醉筆書謝

許善長

北風一夜衾如鐵窗紙鳴燈欲滅須臾世界透光明虛  
室果然真朗澈瀕明開戶忽大驚軟紅塵土變白哲玉龍  
擎空鱗甲飛紛紛碎玉霏成屑衝寒直到鳳池上雙闕曉  
鐘音未徹

彤庭青瑣愈輝煌相炫金銀同一穴四時和爲玉燭調今  
朝小雪逢大雪歸來渴吻思狂飲佳客招邀柬先折欣然  
踏雪不辭勞泥雪冰霜相迸裂小閣圍爐翦燭談酒香馥  
倡酬錄

三

郁肴芳烈淋漓酣飲各忘倦不覺更深纔一瞥重尋舊徑  
唱歸兮玉宇瓊樓兩行列清寒夜色寂無人仙境仙心總  
奇絕

和季仁雪中退直原韻

陸和鈞

狂花夜半戰檐鐵奇寒逼衾地鑪滅曉起忽覺眼光眩窗  
比朝陽較明澈主人督僮掃庭階是役應謳澤門哲曲徑  
剛開忽滿鋪白光成片不可屑我思安道興正狂路阻剡  
山急難徹天公特作豐年瑞千尺遺蝗深地穴所願寰區  
一例同冀北江南盡此雪冀北民家宿麥堆江南賊營凍

旗折元戎由此入蔡州破竹節節迎刃裂三軍拊循皆披  
纜但覺溫和忘栗烈十餘年來未了功趁雪告成在瞬瞥  
與君同棹返山陰那羨

彤庭筍班列寒江持釣便笠蓑高詠千山鳥飛絕

越旬至季仁處夜話冒雪急歸次早季仁邀子及朱

幼雲踏雪市飲因疊前韻

前 人

謀生銷盡輪躡鐵懷中刺字三年滅獨有同心一二人身  
置冰壺四邊澈竭來交友如擇壻終覺子南勝子哲詩人

家住丁卯橋夜坐縱談及瑣屑是時天色黑壓磐深巷柝

偶酬錄

三

聲杳如徹牕紙無風忽有聲郭索宛聽蟹入穴主人開簾  
出庭視不覺霏霏打頭雪談興未歇覓路歸明暗高低屐  
齒折臨歧面訂明日事相邀不煩錦箋裂酒沽脯市亦何  
嫌痛飲渾忘曉寒烈回憶重陽對菊時轉瞬真如花瞥  
良朋聚首最足樂寸心埽盡閒愁列舉杯笑問朱翁子積  
雪滿山樵徑絕

春初有感示菊筌

許善長

有脚陽春至融和沾草木欣欣生意多南枝出簷屋物惟  
能耐寒堅心守幽獨處困不改觀得志不隨俗一朝奇葩

胎秀發異繁縟有質不可棄無分厚與薄鑒彼凡卉姿亦  
復花團簇寒酸笑老梅瘦削啞修竹轉眼零露灑未秋先  
枯率須觀死與生不問榮與辱與子共相期天機莫自斲  
加以節操堅守死不可奪待時而後動榮華自芳馥

丁巳除夕和松岑韻時厲其齋中

前人

償逋無計展眉難佳釀當筵且共酣八口持家勞健婦四  
方有志學奇男襤褸頗似梅邊鶴嬾臥休啞葉底蠶一事  
無成慚太甚郇廚終歲飽肥甘

松岑回杭葬親詩以留別依韻畬和二首

倡酬錄

三

前人

軟紅轍跡久淹留幸許相依解客愁何事束身羈左省苦  
思散髮步滄洲關山遙憶人千里車馬剛經月一周廿四  
橋頭明月好紅兒重與唱伊州

時維揚初復

遙想袁江十日留大雷無待寄離愁

令妹僑居袁浦

輕車纔得停

中道柔艣重聽過遠洲縱使告勞歌草草未堪痛飲鑿周  
周置芻門外逢高士莫忘東南第一州

感事調松岑

前人

金井梧桐寶露秋棲來文鳳傍粧樓雲垂縷縷麻姑鬢星

點雙雙玉女眸漏洩春光憎鎖闥傳聞風語射鉤軫朱門  
一樣紅樓在好夢新教記石頭

蘭絮由來有夙因倚闌還盼別離人碧城大好雲爲窟紫  
府原同月作鄰偷記佩聲傳夏夏暗聽釧響喚真真枇杷  
門巷還依舊應許劉郎再問津

卍字曾燒百合香詔傳陸氏已莊荒難言隱事遮雲母欲  
訂同心試玉郎當戶月纔懸翠幙隔鄰花又出紅墻可憐  
空祝長生願美錦何曾製七襄

鳴來玉佩聽珊珊倚竹深憐翠袖單苦乏良醫能裏藥空  
倡酬錄

三五

緘密字勉加餐蓬鬆鬢角堆雲亂淒楚眉峯鎮日攢我本  
悲懷同屈宋不堪相對淚沈瀾

松岑五十壽以詩見示依韻奉答 前人

鉅賦天台箸宏猷日下傳壽星輝五嶽桃實熟千年世羨  
劉樊侶人稱麟鳳仙一枝筠管麗書畫米家船

感舊

望江 龍逢辰 甲生

暮城旗幟捷如神奪得花幡樂自真積翠香歸金翼使飄  
紅魂散玉顏人煙濃鴨篆銷長晝夢暖鴛衾記小春回首  
雷門程萬里欲思布鼓轉無因

踏遍紅泥訪落花餘香幾瓣又誰家吟鞭笑指三生石  
敲催忙七寶車萍水因緣成曉露桃源境界誤殘霞玉環  
銅鏡歸何處悵望山巔共水涯

年年燕子逐雙飛孰是新巢舊主依過眼雲烟皆換散賞  
心花柳易睽違門前綠雪驚霏絮案上紅冰賸染衣珍重  
水晶簾畔語浪隨蜂蝶計終非

潑墨苔箋跡未乾新詞難覓故人看吟成鷓母心如擣打  
起鶯兒鼻韻酸別有洞簫先引鳳羌無枳棘會棲鸞幾生  
福慧今消受莫向吳宮賦刈蘭

倡酬錄

落葉

許善長

惟有商聲不可聽一年一度怨飄零任教錯節盤根久爭  
奈狂風驟雨經無數園林增寂寞最高門戶亦伶仃近來  
更動江湖感秋老楓丹下洞庭

最難禁受此西風短榭長廊一例同五夜冰霜驚滿地十  
年身世感飄蓬淡描岸柳成飛白亂掃林楓誤落紅何苦  
擣衣聲共急絕無消息達征鴻

是處蕭蕭械械鳴天公一味做淒清山深忽醒哀猿夢風  
急時攙旅雁聲蒼茗亦曾徵火候題詩誰與話心情蘆塘

葦港增繁響總爲秋心訴不平  
霜寒露冷逼虛檐聽到中宵氣倍嚴從此沈埋深澗底也  
曾卷送亂山尖應時例合悲黃隕入夢誰能穩黑甜或者  
陽和漸被到綠陰陰裏句重拈

前題和季仁韻

陸和鈞

最是西風最怕聽况兼暮雨共飄零眼看易下攀條淚手  
植空翻種樹經短策尋詩驢偃蹇孤衾破夢蝶伶仃閒堵  
記得槐黃候嫩綠濃青蔭一庭

明知轉眼卽春風衰颯繁華一例同縱使不凋成竹柏那  
倡酬錄

三七

堪浪迹等萍蓬蟲穿枉校殘書黑蟲蝕猶留賸字紅妬煞  
幾枝庭畔草頻年霜信準飛鴻  
寒螿唧唧一堆鳴斷蘚殘苔理不清是處冷偎虛鹿夢會  
經飽食憶蠶聲園林煖酒難成醉溝水題詩孰解情獨有  
飄搖無定所夕陽零亂暮雲平

破帽中宵獨倚檐打頭撲索警霜嚴重教燥濕分鑪底一  
樣丹黃亂筆尖桐樹原知秋早晚菜根久識味酸甜輞川  
莫訝芭蕉脆畫裏猶能帶雪拈

前題和韻

仁和  
俞士彥  
德甫



無數秋聲不耐聽  
蕭疎林木又凋零  
一階蔓草僧枯坐  
萬里西風客慣經  
啼到暮鴉殊歷歷  
亂飛來寒蝶共伶仃  
樹猶如此人多感  
月白紛紛過北庭

漫將搖落怨秋風  
依附繁華轉瞬同  
昔日看花憐並蒂  
頻年搔首歎飛蓬  
亂山爭出三分碧  
孤樹休誇二月紅  
一紙家書愁遠道  
浮沈無定逐征鴻

冷似寒蛩著意鳴  
一窗詩韻伴雙清  
翻看夕照棲鴉影  
踏聽空林過鹿聲  
下第文章原有淚  
然其兄弟豈無情  
滿腔孤憤增繁緒  
悟徹曇華氣自平

倡酬錄

三八

凌兢霜意薄  
茅檐卷地風  
聲夜更嚴  
無數醜枝來  
眼底一番愁  
緒逼眉尖  
世情久歷  
松心固鄉  
夢難求  
蔗境甜同是  
天涯淪落感  
賦成枯樹句  
重拈

前題

孫 埴

西風昨夜到庭前  
木下蕭蕭擊枕邊  
縱使飄零非薄命  
可知榮悴不經年  
桐疏唐苑三更雨  
楓冷吳江一色天  
安得療貧千萬樹  
願教搖落遍金錢

辛酉十月十八日夕陽將落寒鴉已歸許季仁偕程

卓芸

端本

孫松岑過訪遂小集厲齋二君先歸與

季仁重述舊事感今追昔爲成長句

陸和鈞

庭堦落葉剛淨掃笑語忽聞門外道同是春明落拓人相  
逢禮數捐通套囊中尙餘沽酒錢今宵且醉黃墟邊主人  
作庖客越俎各諳食性刀砧便夕陽沈沈落天外殘月未  
來暮雲靄檐鴿俄看燭影明庭鴉忽驚笑聲大孫登罷嘯  
思下山程子亦倦荆枝班留連巢許不忍別情話暫令愁  
煩刪吁嗟乎客中之愁愁更難人飽愁飢煖愁寒殘杯冷  
炙復何有破帽短褐徒不完相提忽憶當年事不識人間  
倡酬錄

三九

貧賤字紅燈帳捲微妓歌綠醕筵開供客醉呼僮將炙婢  
監廚芳姿明媚小史雛錢神視此先憤憤那有豪富高陽  
徒千金散盡來未必生產從頭亦空述偏教痛飲到今朝  
不使相逢在昔日今朝昔日世味諳空手徒令壯士慙窮  
途阮籍慟何益且復典質謀沈酣卽今客中亦歡樂百錢  
試學東坡約得過且過鳴不休斷不做紇千山頭凍殺鵲

銷寒四詠

前人

不畏衾如鐵居然用火攻肌膚防爛灼頭腦笑冬烘埋地  
煎憂急薰天附熱同曉寒渾未覺短几坐窗東

火坑

權爲冰上人高臥渡重津更較舟車便依然枕席陳淩虛

身在鏡履薄夢先春待寄玉祥語求魚此水濱

冰沐

破空爲此弄搏土更搏煤掬水塗塗附篩風滾滾來愁心

千疊碎和氣一團催火彈誰拋得陰何待撥灰

煤毬

元玉堅難切何須異獸凋感誰和雪送坐我總寒消凍體

俚如塑香心炙欲焦薰鑪雙夾撥無語擁深宵

炭鑿

前題和韻

許善長

熱腸因附熱不用酒兵攻春意十分到烟痕四面烘俚依

叩駟似活潑釜魚同侵曉餘星火曠曠日在東

火坑

倡酬錄

三

不待沖沖鑿依然可問津繩牀新製巧圖畫臥遊陳裴楷

神逾俊袁安夢入春倘逢人解佩疑在漢江濱

冰牀

簸弄術何巧輕搏屑屑煤水漿同攪後渣滓未消來入手

彈丸出飛空烈焰催漫誇圓轉藏不鍊已成灰

煤毬

本是燔柴品形同朽木彫有誰朝服坐幾見槁容消質未

死灰化心重歷劫焦圍爐同守黑歡喜話良宵

炭鑿

歲暮四詠仍用菊筌韻

前人

一帚塵氛掃還將鼠穴攻排籤書細檢糊壁紙重烘陳迹

湔除盡新居氣象同簷牙聞雀報梅蕊露牆東

掃房

家家工媚竈誇說樂津津味美黃羊壯香清綠蟻陳庖丁  
容帶喜巧婦手生春俎豆餘芳列蘋繁采澗濱祀竈

熏沐神壇設香烟沍麝煤靈旗飛舞處章服整齊來爆竹

盈門響春光隔歲催平安如所祝玉律轉葭灰酬神

差幸一年長天機未琢彫清尊聊爾餞寒氣爲予消欵肯

無端賣心期永不焦待書新歲字筆硯滌今宵餞歲

前題疊韻和季仁

陸和鈞

室穢如世穢憑將一帚攻階空風代埽窗淨日初烘几榻

安排妥門櫺洗濯同寸心誰與滌積垢任西東掃房

倡酬錄

三

慣與人家事雲駟駕去津我原無所禱君欲向誰陳祖席

先圖醉歸途不隔春黃羊腥穢甚洗滌凍河濱祀竈

五俎牲排案雙輝燭燦煤臘殘神共降見道德經天上福齊來

一室平安報頻年歲月催衣冠同肅拜香炷藝醴灰酬神

歲月堂堂去伊誰獨後彫臘隨杯底盡寒逐燭光消栢酒

開筵暮松盆炙火焦惟餘詩半卷檢點趁殘宵餞歲

前題和韻

錢塘 程世樞 洛翹

爲我除墻屋何勞蜚炭攻紅塵隨帚拂白日向檐烘花影

瑤臺上風光玉宇同漫言虛一室器各整西東掃房

雲車風馬裏縹緲渡天津白酒三升獻黃羊一夕陳光陰  
將送臘利市又迎春更有雙魚美殷勤釣水濱

祀竈

寫出羣神狀蠻賤拂麝煤酒香隨地灌旗影自天來多福

人家祝更新歲月催拜迎兼拜送庭院紙飛灰

酬神

歲華何在苒曾見幾冬彫

見五燈會元

流水頻年逝曇花此夕

消酒無千日醉燭有一心焦爆竹聲中坐聲聲欲徹宵

餞

歲

前題和韻

金壇曹應昇 子賢

俗氛猶未靖閉戶我研攻塵細風門入烟多火坑烘埽除  
倡酬錄

三

年節近拂拭比閭同庭牖桃符換春回斗指東

掃房

萬家齊祭竈崇祀遍關津旨酒虔忱奉黃羊品物陳馭歸

清宇夜暖送滿廚春司命今朝醉風行漢水濱

祀竈

一鑪香結篆雙炬燭然煤禮爲祈年設神宜降福來綵旗

低影拂爆竹疊聲催願藉回天力兵銷轉劫灰

酬神

一樽除夕酒詩句費摻雕春逐驛梅到寒隨臘鼓消歲華

催鬢改客况倍心焦餞舊迎新際年年忙此宵

餞歲

除夕四詠松岑囑賦

陸和鈞

剛勸屠蘇飲數巡疊裝瓜果雜陳新抓梨覓棗容諸子拔

薤披葱薦五辛幾欲澡身祛積垢聊將果腹慰勞薪何當  
更作年時想拜受紅封一裏銀

歲盤

堂楹兩側柱中央吉語新裁貼幾行喜看嬌兒書藹壘漫  
隨駭僕倒鴛鴦木牌門口搜街廣瓦硯街頭詔墨香應制  
不忘規諫意有誰舉筆學歐陽

春帖

破甑何曾計夙儲竟能釜底不教虛幾時米得隨由負此  
夕糧先學禹餘有穀孫謀詒翼燕加餐客况免無魚看他  
日日堂餐飽借箸應堪答詔精

隔年飯

一鑪斗室熾通紅更覺長宵煖氣沖未必心腸真火熱本  
倡酬錄

三二

來頭腦是冬烘篝明桑下三眠兆松燕堂前四照中我亦  
趨炎曾有意胸懷冰塊總難融

隔年火

壬戌正月六日季仁四十初度詩以壽之

前人

吉日當初度春風遇始和  
韭盤同薦玉薇省聽鳴珂  
孟案眉齊舉韋經口授哦  
全家餘吉慶強仕詎蹉跎  
舊澤簪纓布新街館閣羅  
常攜畫日筆慣著蹋塵鞞  
退直堂餐飽消閒婦酒醪  
詩篇成繡虎書帖抵籠鵝  
自與往來熟全刪禮數苛  
庚寅逢覽揆丁卯認吟窩  
斗室瓊筵啟升堂珠履多

鯨樽開北海鶴笛頌東坡不速來嘉客無痕說夢婆情深  
通笑語禮缺補詩歌元亮腰先折是日季仁患腰安仁髮未皤班  
原聯玉笥名總盼金科會待拾青紫相期效切磋肺肝知  
與共手足視無訛四秩稱觴早三年結契過南山欣在望  
攻石仗嗟峩

前題

程世樞

高會蟠桃敞綺筵屠蘇酒熟醉羣仙君宗太岳宜三祝我  
愧伊川長十年簪筆恰逢強仕日懸弧喜值豔陽天客中  
持贈無他物爲詠南山壽一篇

倡酬錄

辛四

雲軒縹緲眾仙回我作防風獨後來野外土牛迎淑氣門  
前金馬羨清才鳳池染翰春先滿鴻案齊眉喜色開骨肉  
團樂兵燹遠此間小住卽蓬萊

壺碟會歌

亦作蝴蝶譜音也

陸和鈞

玉河垂柳鶯啼少太液荷花開尙早東華塵土滿鞞襟詩  
情畫興空潦草紛紛酒榭與歌樓亦許斜陽遣客愁未必  
酸鹹同嗜味徒教箏笛亂清謳場來雅意消長夏諸公難  
得都清暇相見無愆十日期卜晝何妨仍卜夜婦有藏酒  
客網鱸家家珍錯謀郇廚霎時羅列盈几案雜鯖不數侯

門殊閒庭夕照掛高樹相逢似釀還似醕科頭雜坐形迹  
忘往來笑語皆真趣深杯恣意吸長鯨狂飲能教惡客驚  
東坡志林以不  
飲者爲惡客 壁壘一新分酒國但憑拇戰定輸贏坐久

不防殺饌冷夜深重與杯盤整悠揚笛韻飛出簾一縷歌  
聲低燭影座客無言音斷續洞簫重譜新翻曲明月催人  
渡漢西樹陰碎碾玲瓏玉置身人海年復年帖臨乞米頻  
擘牋殘杯冷炙亦何有屠門過去空垂涎家鄉况是兵戈  
擾蹤跡遷流誰訴告去秋九月直到今竹枝竟斷平安報  
高堂甘旨孰與謀玉桂國中愁復愁四千里外奮無翼安  
倡酬錄

三五

恐暢飲聯朋倚謀家謀客兩無策愁裏光陰亦空擲不如  
且趁此良宵處處孟公邀作客

同人集厲齋賞菊用漁洋秋柳韻 孫 埭

三徑年來繫夢魂未荒松菊憶柴門紗窗日落參差影粉  
壁燈移淺淡痕秋泛漫尋桃葉渡春沾曾躡杏花村幾叢  
佳色誰能畫欲向徐熙仔細論

別有寒芳獨傲霜夜深伴月映芳塘嬌黃不待藏金屋淡  
白還應置玉箱傳出丰神疑草聖生成孤冷壓花王會當  
高宴龍山日絕勝招尋碎錦坊



送酒知誰遣白衣東籬舊迹惜全非  
餐來楚澤人何在品到秦川種已稀  
采擷未妨幽宅怨落花不作滿城飛  
想從吳下看都遍惆悵春明心事違

瘦到西風太可憐疏簾卷處臥涼煙  
結囊好倩萸同佩醜枕何勞絮作綿  
老圃客誇韓相國新醅香熟傅延年  
昔時行盡江南路猶記舟人指櫂邊

前題和韻

大興俞焜東生

瘦到西風漫愴魂此花原不種朱門  
枝殘獨抱淩霜節香冷初開冒雨痕  
隱士園林應避俗高人籬落自成村  
英爽

倡酬錄

三六

麗草誰同秀只與幽蘭一例論

乍寒天氣已飛霜月照東籬半畝塘  
那有仙緣登玉笥更無奇句摘牙箱  
用皮日休白菊詩銜杯擬對陶彭澤  
作畫須尋顧

野王猶記昆華高會日醉歸時過碧雞坊

采采黃花已滿衣歸來插帽未應非  
風流杜牧吟詩倦惆悵王宏送酒稀  
徑掃正宜高枕臥櫓搖曾指片帆飛  
莫言老圃無佳色冷淡原知與世違

孤芳豈必倩誰憐笑爾繁葩盡化烟  
晚節何妨寒料峭重陽已近雨連綿  
會須釀酒開高宴那用延齡健少年  
惟有

閒情拋不去懷人多在菊潭邊

前題和韻

陸和鈞

楚湘蘭芷漫招魂偶與尋秋五柳門他日兩開拏苦淚西  
風三徑賸涼痕密排硯北青苔益瘦入江南黃葉村莫道  
閒情誰解隱相州晚節試評論

鬢簪先怕髮侵霜背指會看櫓泛塘杞欄仙方搜藥籠蘆

溝秀句付巾箱

用白石湖仙下半詞意

烟霞有味餐從屈風雨無聲

解誤王請看泥封晨壓擔也隨菘芥到街坊

九月因時薦鞠衣黃裳正色敢誰非繁華世界看疑幻冷

倡酬錄

三七

淡心腸識更稀對酒肥螯堪獨執抱枝凍葉懶雙飛留人  
漫比淮南桂笑指南山意未違

傲骨生來不受憐開時慣冒雨和烟隨他崛強扶荆梗那  
肯飄零學柳綿畫就疎枝饒冷豔詩成淡境感華年幽芳  
定有幽人採坐待東籬夕照邊

前題和韻

許善長

最是西風動客魂蕭疎黃菊映柴門盛囊風露饒秋豔映  
壁龍蛇走墨痕枕底幽香甜旅夢籬邊佳色絢荒村落英  
畢竟成疑讖好與詩人細討論

木葉紛紛正飽霜一箇癯影浸橫塘勻鋪紫豔新成幄亂  
疊黃裳富滿箱岸幘恍逢彭澤令寒泉同薦水仙王冷香  
淡韻憑消領絕勝紅腔醉教坊

貞樂何妨借縞衣月明送酒是耶非居然傲骨三秋重未  
必知音一世稀寥落西風和夜冷繁華故國逐雲飛就荒  
時候懷三徑我亦頻年夙願違

卷簾人影劇堪憐瘦骨襜褕欲化烟拒得嚴霜甘冷淡伴  
來淒月獨纏綿好留晚節千古苦抱秋心又一年鬢角  
待簪還取耿無多兄弟各天邊

### 倡酬錄

三

重陽後一日讌醫士桐雲主人室

許善長

佳色原同佳士論尋秋例合訪衡門飽收風露調金液細  
琢冰霜碾玉痕益壽羨他能飲水登高爲我補開尊明朝  
更踐興公約爛醉歸來月漸昏

松岑約次  
日復飲

前題和韻

陸和鈞

登高選勝偶閒論懶叩招提度國門

先擬天甯寺登高  
以道遠不果行

興尋秋妍弄色借詩繪影淡留痕

松岑寫  
墨菊

寒泉合薦東坡

蓋笑口齊開北海尊花亦恐人容易別隔簾邀月伴黃昏

前題和韻

俞焜

持螯高會且休論佳節今朝竟杜門頗有園蔬供酒興無  
多盆菊破霜痕倦游不著東山屐好客先開北海尊遙想  
他鄉轉惻悵何時兄弟共晨昏

春社邀同人小飲

許善長

梅花飛盡羣山玉柳眼纔舒凝淺綠已屆春分二月天清  
游例合聯芳躅丹鳳城南燕子忙家家此日聚壺觴分來  
拓影和桑影占到花香共酒香花香馥郁酒香烈酒國花  
時吟社結詩情酒興各逞豪妮妮清言霏玉屑敞帚聯吟

夜翦燈

謂東生  
德甫

更看長嘯有孫登

謂松  
岑

爭奇鬪豔皆忘倦

倡酬錄

五

詩思還憑酒力增酒酣耳熱重豪飲潑盡墨池三斗瀋是  
詩是酒渾不知滿壁琳琅燦如錦記得旗亭賭唱時紛紛  
環座鬪花枝於今高入清寒境定子當筵默誦詩誦詩往  
往增淒楚不作當時綺麗語懺到情根悔已深更兼人事  
多齟齬人到中年感喟多東南况復擾干戈怕聞浩劫紅  
羊厯空盼雄軍白馬過浮雲變幻同蒼狗百不如人徒疾  
首痛澆醜礪君莫嗤學作劉伶負鋤走諸公豪氣盡如虹  
尤憶城西有放翁菊笙未  
與斯會閉戶不知春似海空飛十丈輿  
塵紅人生行樂貴自適都是長安作游客看花陌上年復



